

譔一方之志者其書始見於晉人其例亦莫善於晉人隋書經籍志所載如潘岳關中記盛宏之荊州記等證以他書所徵引猶可攷見其義例惜多不傳傳者惟常璩華陽國志耳下至北宋方志之存者周淙乾道臨安志周應合景定建康志之類凡十餘家雖未必追蹤晉人而體制嚴明攷核精審爾雅以澤於古猶有昔賢之遺風焉迨元明以來志乘之法漸失其舊矣託於空言荒於實學則失

修武縣志

序

增一

之疏侈於詞章畧於掌故則失之浮杜譔門類以矜標新而不師於古勦襲載記冒爲己作而不著其原則失之不根卽世所盛傳前明武功朝邑二志亦務爲苟簡至故城舊瀆皆棄之如遺不知者以爲典要過古人然非篤論也馮菽橋大令宰修武之七年成縣志十卷郵以寄余余受而讀之覺若網在綱有條不紊地理如大修武小修武及南北西修武之目必確指其方隅廢置如南陽山陽廣

寧修武諸郡名必剖言其因革舉魏晉隋唐以後析置華離版圖錯雜最易溷淆者皆使之一一朗若列眉其他如沿革則變表爲攷以廣列案語迺援晉朱育會稽土地記之例各體文則消納各門中而不別立卷目迺援宋范成大吳郡志之例藝文則載縣人所著書篇目而不羅列詩文迺仍還漢班固前漢書之例皆能以復古之深心寓著書之微旨焉蓋其知交袁大令叔英金廣文枚偶皆一

修武縣志

序

增二

二

時之彥而張學博魯巖又博極羣書藏軸至二萬卷盡出以資證佐大令集三君子之長而總其成故其書獨博而諦是足復北宋以前本來面目而不失晉人之遺意者也且余嘗徧觀今之爲吏者矣或抗言治術而薄著述爲迂儒或競逞詞華而目政事爲穉迹皆囿於一偏者耳夫空言無補徒學無權誠難當於吏治然非胸羅全史目炳千秋操因時制宜之才爲因勢利導之舉則亦僅盡其簿

書錢穀之能事而已果資何識以興利除弊  
與吾民相期於更始也哉今大令著一書猶  
斤斤以古人之繩墨自範則其出身而加民  
者不屑以今人之所爲自畫從可知矣他日  
政成必有卓然高出流輩者余昔嘗權是邑  
惜未及帀月卽奉檄以治獄去未及有所爲  
也成余志者將有重望於大令則握管而敘  
此書豈僅爲區區志乘計哉將一爲大令喜  
一爲大令勸也

修武縣志

序

增三  
三

道光二十年歲次庚子正月下澣兵部侍郎  
兼都察院右副都御史總督河南山東河道  
提督軍務加三級渾源州栗毓美撰

邑之有志所以備修史者之采擇也志或不  
信史於何徵今之司牧此民者往往於故籍  
中渺所涉歷而在官言官渾然不省訂志之  
爲急卽或淹雅宏通有志於典章文物之紀  
著而簿書期會應接不遑不終怠則中輟焉  
故夫修志之舉得其人難得其人而竝得其  
時尤難坐使通都大邑文獻無徵豈特令斯  
土者之責亦置吏之所愀然動色者也已亥

秋余膺

修武縣志

序

一

簡命來撫中邦攬河山之雄秀覩風俗之醇熙亟  
取郡縣諸志而觀其概蓋闕有閒矣方欲與  
一時賢守牧令起墜補亾而修武令馮君以  
新修邑志請余爲序余惟修境延袤幾二百  
里介河朔負太行西挖澤蒲北連燕趙中州  
之要區也地之屬魏屬韓城之建南建北大  
陸別於禹貢清水證於水經疆域糾紛山川  
緯繡名賢懿軌代不乏人軼見異聞頗多可  
采而聿攷舊志其於歷代之沿革廢興文章

政事擇焉未精語焉未詳况自涵濡我朝德澤二百年以來田疇戶口之加豐民風物產之寔盛其有關於

史局搜羅者甚夥失時弗輯後何述焉馮君於政平訟理之餘慨然以修志是任廣詢耆舊博采羣書分訂於博洽諸君子略星野而弗詳徵地輿以求實冠以

巡幸

皇德二紀而建置令典之不可攷者仍從闕疑增

修武縣志

序

一一

減協宜刪存悉當所謂得其人又得其時者豈偶然哉後之蒞斯土者一展卷而曉然於政治之所宜風俗之所尚資以爲理獲所措施是又余之所厚望也夫

賜進士出身兵部侍郎兼都察院右副都御史巡撫河南等處地方兼提督銜節制全省軍務竝駐防滿營官兵兼理河道武威牛鑑譔

自古帝王遞嬗代有因革損益之殊所亟亟焉以導斯民者惟政教而已政教興則風俗茂風俗茂則人心固四海雖大卽以一邑之治推之裕如也然以椎魯之氓不明示以疆域里居之制則易淆不詳定其田賦學校之規則多梗不顯旌其忠孝節義之行則不勸不廣述其記傳藝文之美則日愚古來志乘之輯非僅摭拾舊聞塗飾耳目已也其意固深且遠也且夫邑之有志猶國之有史也修

修武縣志

序

三

武本古冀州覃懷之地魏南陽域耳境處偏隅然案其山川形勢甲於河北雖幅幘不及二百里而凡茱萸峯之岌窔天門谷之窈深青龍洞之盤紆吳澤陂之幽敞勝概萬狀未可悉數况乎田里生息物產饒多養教久成閭閻安堵生斯土者固共樂其業而職斯土者不更當勵其治乎明府蒞橋馮君山左名宿早登選科製錦有才來撫是邑於茲入載治且烝烝日上足以報最

朝廷矣乃猶孜孜然事必求其實蹟欲要諸久而後可以慊於心慨念修武舊志自前戈令雲錦續纂以來距今已七十餘年歲月漸遠文獻僅存失此不修後將湮沒且以戈令之續纂是志也迫奉上檄僅三月而卽告成是以挂漏疏舛均所不免菽橋明府藉案牘之餘閒躬親採訪詳參史鑑爲綱十有六目三十有六其閒蒐討闕佚訂正譌誤者數百條志沿革如修武爲古之南陽而屬韓屬魏之分

修武縣志

序

四

移北移南之異向慮建置不辨者今已燦然畢著也志輿地如攢茅隕大陸之見於左氏傳清水白鹿山之見於水經注向慮遺址莫攷者今已確然有憑也志人物如晉之趙穆金之呂豫元之陳安諸人向慮紀載多遺者今已釐然悉備也其他或稽令典以昭法守或搜金石以博見聞或宣澤渠之阻而題橋錫以嘉名或慮郵驛之疲而躍驄廣其牧地或載銘記於祠宇墓陵可作里閭之敬或著

褒傳於孝子烈女用端風化之原該洽精當  
美難盡述又豈特書異書祥務卹民以弭患  
一名一物必稽雅以正譌已哉予因思士大  
夫身膺民社方日事簿書錢穀恐不暇給而  
菽橋獨能志乎此經兩載之勤劬而編輯始  
就其亟亟焉務乎政教思所以勵風俗而正  
人心者於斯益見此正賢宰之所爲而士民  
之共仰者也他日采之輶軒上之

國史不且信其傳世行遠也邪是爲序

修武縣志

序

五

賜進士及第

誥授朝議大夫內閣侍讀學士提督河南全省學

政加三級平湖錢福昌撰

作志如作史必才學識三者兼備而志迺可傳世知之矣志詳於一隅而本末始終是非增損義例一準諸史世知之矣而亦知志之與史有同而不同者乎史多纂於易代之人毀譽無心去取自正志則秉其成者非其地之長官卽其地之薦紳瞻徇因仍俗情不免而翹然自異者又或以推崇物望點綴山川爲盛事諸葛廬則南陽數見矣子房墓則地以畱名者處處有之矣無志則疑闕有志而

疑轉增疑增而益之以僞馴至本真全失者以余所見比比然也馮君菽橋之爲修武志也延金君枚偶袁君叔英張君魯巖襄事三君者皆宿學士本末始終是非增損一準史法其記輿地也於大小修武南北西三修武爲析爲并爲僑爲移如置身晉宋魏齊隋唐閒聚諸史而定畛域也其記名山也太行白鹿諸峯由所起所越所跨以定所至隨地分名如馬伏波聚米成形歷歷可指而辨也其

記人物也漢代張導則徵其吏能晉代七賢則掇其游跡唐代文公則并詳其先世後世鑿鑿然如合諸賢於一堂而親質之摹繪之也而清水發源舊志以百家巖及溫盤峪瀑布當之者傳譌久矣菀橋迺屬博雅士裏糧入山經歷奇險得之於南清溝北清溝之交瑤河吳澤諸水注之匯之者纖悉與水經合尤可以解數千年之大惑焉馮君此志庶幾信以傳信而無增疑益僞之病者乎余舊史

修武縣志

序

七

官也觀風整俗又爲今職所宜盡此志精覈詳盡展玩幾不忍釋手迺枚偶殫精攷訂心血瘁於斯書書將竣而中輟叔英魯巖惜其未成也編纂益精且勤得成完書嗟乎述作之精關乎軀命道義之契無閒死生如三君者迺可以信友迺可以信友而著書矣而菀橋網羅賢俊能合三君之詣力以成斯志緇衣好賢之雅亦庶有合焉然則斯志之得成完書也豈偶然哉斯志之得成完書無增疑

益僞之病也豈偶然哉余愛之重之摭實記  
之竊欲爲斯志發舒幽隱并欲爲凡修志者  
示之準則云

賜進士出身

誥授通議大夫河南等處提刑按察使司按察使  
前翰林院編修石阡成世瑄譔

修武縣志

序

八

淄川馮菽橋余同鄉博雅君子也淹貫經史  
援据古今著書立說成一家言兼精篆隸諸  
體弱冠拔萃貢於朝嘉慶丁卯鄉試後充  
內廷文穎館謄錄旋卽司鐸霑化余丁丑通籍分  
水部時值菽橋保薦入都雖未嘗晤面而歆  
豔其名繼聞其銓發中州攝靈寶補修武豫  
省士大夫來都者翫陳其學術之湛深政治  
之卓越津津樂道於不置余竊欲共事一方  
親其旨趣用資切磋以爲快道光庚子秋余  
奉

修武縣志

序

九

命分守河朔受篆于茲安昌距修武四十里余以  
視事伊始菽橋來晤領其言論丰采實副疇  
曩之嚮往乃以重修修武縣志見示夫周官  
以職方氏掌輿地之圖以小史外史領邦國  
四方之志辨其宜而布其利達其志而通其  
欲爲民牧者本生平之蘊蓄發而爲在官之  
治功有利斯興有廢必舉志乘之修誠善政  
也攷修武爲古甯邑周武王伐紂次於邢邱  
修武勒兵於甯更名修武卽爲魏之南陽地  
修武由來尚已舊有志自乾隆二十二年縣

令津門吳君重修之其後戈君亦閒有增減  
距七十餘年矣而原志簡略未備菽橋公餘  
讀書凡疆域之沿革風俗之純駁建置之興  
廢學校選舉之遵循名宦鄉賢孝義忠節之  
懲勸與夫金石藝文之本末存亡莫不廣搜  
博采用供纂輯竝與毘陵金枚偶廣文袁素  
珊大令先後商榷而張魯巖學博復討論其  
閒自丁酉仲春削藁至庚子季春閱三年而  
後告成嗟乎以言攷覈則精嚴也以言援引  
則典確也以言義例則有條不紊也卽以之

登著作之廷膺撰述之任克當其選豈拘儒  
所能望其項背菽橋屬序於余余何堪參末  
議哉然喜其博雅之學而施於政治符余疇  
昔嚮往之誠而今獲與賞晰也於是乎序  
賜進士出身分守河南河北彰衛懷三府兼理驛  
傳水利河務兵備道前工部郎中充己亥科  
順天鄉試同考官鄉愚弟琪園莊瑤拜題

地志之弊莫大乎因革不當繁簡失宜邑之遺訓故實闕焉不書而獨於鄰近州縣游移影韻之事東摭西拾連篇累牘刺刺不休此作縣志者之通弊也馮君菽橋莅仕修武以舊志舛漏捐俸重修書成請序於余余詳加披閱歎其苦心孤詣實有超出尋常萬萬者如不立星野專門而首載

巡幸

皇德二篇最爲得體修武爲晉之南陽戰國時屬

修武縣志

序

十一

魏不屬韓左傳有攢茅隕大陸水經注有清水長泉白鹿山皆能詳攷其所在太行爲修武屏翰層巒疊障不可勝紀小丹河及新蔣二河灌溉民田兼以濟運尤爲此邦水利所關獨能尋其脈絡於境內疆界自西迤東依次敘述如掌上螺紋一絲不亂漢分置山陽縣有大修武小修武聚後又有南修武北修武西修武唐改置陟州其地之犬牙相錯或錯入武陟或錯入獲嘉輝縣更能條分縷析

不爽累黍洵爲近今邑乘中僅見之作蓋蒞  
橋官斯土於今八年平日畱心掌故采訪舊  
聞旣詳且悉又得金枚偶學博袁素珊大令  
往來商榷後先執筆共成是編而張廣文魯  
巖博極羣書朝夕討論亦足爲徵文攷獻之  
助故能集腋成裘垂諸不朽夫天下大矣天  
下郡邑多矣自古及今志乘之書何啻汗牛  
充棟而

欽定四庫所載惟朝邑武功二志最爲擅名其他

修武縣志

序

十二

則所存無幾率皆瑕瑜互見得失參半豈非  
以因革不當繁簡失宜故歟余嘉蒞橋著述  
之勤也於是乎言

賜進士出身

誥授朝議大夫知懷慶府事前翰林院編修掌山

東道監察御史南昌陶福恆譔

余自道光己丑春榜後籤分河南與馮君菽橋同需次於汴梁爲至交及襄城卸篆觀察劉梅坪先生新勛河朔書院命余主講席迺復得與菽橋相會晤菽橋謂余曰修武志缺而不修者七十餘年矣非其人莫與屬余因以金君枚偶薦菽橋遂延之於歲丁酉仲春開館迄於十月枚偶以事過余畱連信宿詢及志事蹙然曰修武自金元以來代有沿革牙錯瓜分一隅之地倏彼倏此是以眾說罕通余薈萃羣書徹夜不寐以求其合有不合者則劚推交通反覆曲證得所依據而後安心血實瘁於是書恐後此精力不給幸早畢事沿革今已

脫稟惟白鹿山清水吳澤陂水經注云在修武修武人士無有知之者將親身入山苟訪得之則書旦夕可成當移寓君所與君痛飲屠蘇耳孰意仲冬二日竟抱疾不終其事邪菽橋以其書編輯過半畀余續成之而竟不能辭也余閱金君所撰者紀二輿地志三建置學校祠祀祥異志各一秩官攷一纂述皆得史法人物志編輯未畢余補成之未幾楊生敏書以清水告余代纂入輿地山川以成君志而古蹟尙少生色又與菽橋及張君魯巖加潤飾焉別撰令典選舉志各一列女傳一雜記一菽橋撰金石志一以輿地志山川里甲物產三

門沿舊志簡略尙多譌誤竝廣爲搜討纂輯魯巖  
譔藝文志一訂正之力尤多爲卷者十爲綱者十  
有六爲目者三十有六各冠小引發明其意書成  
因敘其緣起而歸之菽橋

道光十有九年歲次己亥二月陽湖袁俊敘

纂修姓氏

鑒定

太子太保奉 旨照總督例賜卹前總督河南山東河道栗恭勤公毓美 樸園 山西渾源州人 辛酉拔貢

兵部侍郎兼都察院右副都御史巡撫河南等處地方提督軍務兼理河道牛 鑑 鏡唐 甘肅武威縣人 甲戌進士

內閣侍讀學士提督河南全省學政加三級錢福昌 辰田 浙江平湖縣人 己丑桶眼

河南等處承宣布政使司布政使加三級 鄂順安 雲浦 滿州正紅旗人 生員

河南等處提刑按察使司按察使加三級成世瑄 蘭生 貴州石阡府人 丁丑進士

分守河北兵備道管轄彰衛懷三府等處地方加三級 莊 瑤 琪園 山東莒州人 丁丑進士

監修

懷慶府知府加三級 陶福恆 松君 江西南昌縣人 癸未進士

懷慶府黃沁同知候補知府加三級于卿保 鄂山 漢軍鑲黃旗人 監生

修武縣志

卷

纂修姓氏

一

懷慶府糧捕水利通判加一級松 文 容城 滿州正白旗人 監生

纂修

知州銜修武縣知縣加五級紀錄十六次記功十次馮繼照 菽橋 山東淄川縣人 辛酉拔貢

編述

前安徽建德縣教諭候選知縣金 皋 枚偶 江蘇江陰縣人 甲子舉人

前襄城縣知縣候選知縣 袁 俊 叔英 江蘇陽湖縣人 己丑進士

修武縣教諭 張宗泰 魯巖 汝州魯山縣人 丁卯舉人

總校

修武縣訓導 王世卿 任六 衛輝府獲嘉縣人 歲貢

分校

分發直隸候補知縣丁酉科拔貢王蘭廣

廩生

楊敏書

廩生

趙翼佺

廩生

王 粵

廩生

王 寥

廩生

李景瑗

增生

朱乙鸞

附生

許福慶

采訪

羅山縣教諭壬午科舉人

趙鶴齡

壬辰科舉人

崔星聯

壬辰科舉人

梁 楨

修武縣志

卷

纂修姓氏

二

乙未科舉人

張鑑平

丁酉科舉人

馮五桂

恩貢

武積善

歲貢

程炳女

歲貢

薛凌雲

歲貢

王 瀾

歲貢

周郁文

附貢

姬樂天

附貢

趙鳳翔

附貢

蔣效先

例貢

鄭本清

廩生

董邦舉

廩生

王衡達

增生

蔣麟趾

附生

陳銘

附生

梁悅孔

附生

成景福

監生

閩彭壽  
武鳳翔

從九品

秦位西

孔廟齋奏官

趙枋

監造

修武縣典史

陳紹祖

蓮浙江山陰縣人  
監生

修武縣志

卷

纂修姓氏

三

謄錄

吏員

張鵬鳴

吏員

張勇

吏員

張煥箕

吏員

楊名善

吏員

張懷吉

吏員

貧彭年

吏員

孫汝明

吏員

秦玉振

吏員

辭駿聲

吏員

梁道淵

吏員

許善成

吏員

屈澄九

吏員

陳殿選

承行吏

仝秀東

承行吏

熊仲文

繪圖

畫士

邱集鳳

仙谷直隸長垣縣人

修武縣志

卷

纂修姓氏

四

凡例

- 一 舊志星野疆域城池公署學校賦役兵防山川古蹟祠祀陵墓風俗物產災祥爲志者十有四沿革職官選舉爲表者三名宦人物儒林孝義文苑方技流寓列女爲傳者八後列藝文二卷雜識一卷篇目過繁今酌爲十卷以綱統目庶便省覽
- 一 舊志有志有傳有表本史家舊例也今將碑版序記之文分編於各門又沿革條下皆加案語辨證若仍彙行斜上語反不暢故不復列表
- 一 修武於九州屬冀冀之分野爲昴畢邑彈丸一隅恐不足當分野之一二故於舊志言星野者多從

修武縣志

卷

凡例

五

刪雜祇略贅數語於疆域之末

- 一 修武背負太行峯巒森秀洞壑幽奇杖策登臨攬取不盡故自縣西北以迤東北一帶山勢或躬親探訪或詢諸其方之士人反覆審定然後登諸簡策總期爲山靈洗出真面目用存一邑勝概
- 一 修武泉源之富甲於河朔舊志寥寥數則頗形儉陋今逐細討探所增入者不啻數倍其一泉而異名者亦詳爲剖分爲好事游覽之資
- 一 舊志不載里甲今增此門詳注道里以便檢查
- 一 舊志物產一門過於簡略且率用俗呼而不究其本名茲據爾雅本草夏小正埤雅廣羣芳譜諸書

各詳其形狀或亦鳥獸草木識名之一助云  
一乾隆二十六年邑中大水學宮縣署皆被淹浸文  
卷遺失建置令典兩門其不可攷者悉闕之  
一貢監及捐職不由科目而得故選舉門中概不編  
入惟曾受職者載之  
一舊志人物一門所收頗略且多加刪節似非傳信  
之道今博徵列朝史籍劄及唐宋以來諸家說部  
別集用增益所未備其遺漏者蓋亦罕矣  
一郡邑志藝文一門以各體文編入藝文者用明人  
無錫縣志例也其以各體文消納各類中者用宋  
范成大吳郡志例也范志較得體今從其例

修武縣志

卷

凡例

六

一金石之學自歐趙以來代有纂輯今修郡邑志者  
多祖之以其有關鄉邦故事可補正史傳之遺譌  
也茲於舊志外持增此門窮搜博討多所登載  
一舊志所載有增無減惟膚末詩文閒有削去耳  
一舊志碑版序記之文閒多蕪蔓或金石所收文字  
漶漫率稍爲刪節皆加略云及節錄二字以別之  
一詩賦文之支流也其體不一今皆用雙行夾寫以  
別之  
一舊志原序云三月告成又苦無書籍故所引不載  
書名今則悉綴出處於末以便攷證  
一采訪所得皆實事求是不敢濫登仍注明於末

修武縣志目錄

卷首

巡幸紀

皇德紀

圖經

書院圖

縣境圖 里甲圖 城圖 太行山圖 公署圖 百家巖圖 泉源河道圖

卷一

輿地志上

沿革攷 疆域 形勢

卷二

輿地志中

故城攷 山川 爵封

卷三

修武縣志

卷

目錄

七

輿地志下

古蹟 陵墓 里甲 風俗 物產

卷四

建置志

城池 公署 倉庫 監獄 普濟堂 渠堰 橋路 兵防 郵傳 田賦 鹽法

令典志

祥異志

卷五

學校志

學宮 鄉飲 書院 義學

卷六

祠祀志

寺觀附

卷七

秩官攷

選舉攷

卷八

人物志

列傳  
方外

忠節

孝友

義行

流寓

卷九

列女傳

藝文志

卷十

金石志

雜記

史餘

軼事

攷辨

志原

右修武縣志目錄共十卷削藁於丁酉之二月開  
雕於己亥之二月及庚子之三月而工畢繼照弁

修武縣志

卷

目錄

八

其首曰修武縣志自乾隆二十二年津門吳君重  
修其後戈君閒有增損距今七十餘年矣余自道  
光十三年抵任值公事之暇輒繙閱史鑑事有繫  
於一邑者筆之而廣文張君魯巖蓄書二萬餘卷  
日盡一卷亦彙錄數帙皆舊志所未備者眾說參  
差不能盡合修武之地一隅耳有大修武小修武  
聚南修武北修武西修武又分爲南陽爲山陽爲  
廣寧郡爲修武郡爲陟州自春秋晉啟南陽其後  
韓魏分晉而屬韓屬魏莫辨矣隋開皇十六年析  
置武陟縣移修武於永橋唐置陟州領修武尋移  
縣治於隋故修武城而修武武陟遷徙遂淆矣後

周置修武郡於獲嘉金割重泉邨爲山陽縣隸輝州而獲嘉輝縣與修武版圖錯雜矣疆域猶是割置各殊思欲條貫異同以補舊志之缺而自媿識不逮也袁君叔英來掌河朔書院教事因往商之以其友金君枚偶薦枚偶學賅而通薈萃全史博參地志諸書疏通證明而前此糾紛舛雜若網在綱櫛受髮融會眾說而曲暢交推又如冰消凍解無不釐然明而渙然釋也方將敘典章述政治攷耆舊之往行譔金石之遺文而心力告瘁未克成書袁君叔英繼之蒐羅補輯足成十卷而張君魯巖旣盡出其所有凡見聞所及有未敢信於心者

修武縣志

卷

目錄

九

不憚再三校訂實事求是期於無憾而卽安余不敏亦竊參己意爲增飾焉蓋余與三君子遊非特解數年讀史不解之惑而一邑之建置沿革政治得失與夫官師人士貞女節婦之卓然可紀者亦得以補七十餘年之所未備是則余之幸也夫是爲序

修武縣志卷首

修武縣知縣臣馮繼照恭紀

稽古有虞五載一巡狩尚矣我

朝邳治昌明

列聖相繼懷柔震疊邁周紹虞康熙四十一年

聖祖仁皇帝

駐驛修武乾隆十五年

高宗純皇帝西巡

御製七賢詠

天章糾縵

光逮前賢

小臣繼照

授輯志乘仰溯遐陬僻壤曾邀

修武縣志

卷首

巡幸紀

十

鑾輅經臨敬弁卷首以為下邑非常榮幸而

殊恩異數與夫偏災水旱幸邀

蠲緩以休養生息者復敬錄

皇德紀一篇願與邑之人士共沐昇平之盛云爾

巡幸紀

康熙四十一年

聖祖仁皇帝西巡

駐驛修武試豫省文修武縣教諭王郊與試

欽取第一

授浙江臨海縣知縣

乾隆十五年

高宗純皇帝西巡

御製七賢詠

嵇生放達意眞豪  
嗣宗青眼誇神交  
啟事吏隱何妨濤  
沛國豫流形陶陶  
向秀佐鍛鑪錘操  
小阮不愧玉樹曹  
阿戎清爽舞濁醪  
竹林之遊芳躅高  
延之過激由去朝  
五君成詠寓貶竅  
我過山陽望古遙  
土阜惟見橫岩堯  
猶使逸興軒軒飄

邑人廣增生詹卓

御路

御營記

聖駕由輝縣東北來  
竝太行山過萬斛邨  
小牆北抵漫

修武縣志

卷首

巡幸紀

十一

河溝東折而西  
河溝路崎嶇用石  
輓墊起駕以木  
版覆黃土尺許  
於上用木杵堅  
築取水灑道不  
易  
邑侯顧公焚香  
默祝上蒼果施  
霽霖須臾路成  
寬  
三丈六尺兩傍  
以繩闌之不通  
人出入

行宮去前馬家作里許  
西南去定和邨二里許  
東南去承恩鎮三里許  
東西順長約百數十弓  
橫闊約二百餘弓

黃棚居中外小帳百餘環繞之  
周圍繫以鈴索是夜雞  
犬寂不作聲更深漏靜  
笙歌細樂疑聞天上今

稱爲

御營云

皇德紀

欽賜科名

嘉慶丙辰科翰林院檢討王總章

嘉慶戊辰科翰林院檢討薛隆光

嘉慶己巳 恩科翰林院檢討王鐸鋒

道光壬辰 恩科國子監司業馬秉鈞

道光壬午科副榜薛際隆

欽旌力農

雍正二年二月欽奉

上諭令州縣有司擇老農勤勞儉樸身無過舉者歲舉

一人給以八品頂帶榮身以示鼓勵

修武縣志

卷首

皇德紀

十二

周大備

雍正二年舉

王振祚

三年舉

張良佐

四年舉

張忭

五年舉

恩賜老民品級

八十以上準給八品頂戴  
七十以上準給九品頂戴

嘉慶元年八十以上老民共十四名七十以上老

民共七十二名

道光元年八十以上老民共七名七十以上老民

共一十八名

蠲卹

順治十七年蠲免河南租稅

順治十六年以前直  
省錢糧九拖欠在民

者俱  
蠲免

康熙二十三年

欽差賑濟二十四年奉

旨丁地錢糧拖欠在民者盡行蠲免二十五年丁地錢糧蠲免五分二十九年丁地錢糧蠲免三分三十年夏災蠲免條糧十分之三秋災案被災地畝照例蠲免是年冬奉

特旨將三十一年河南通省錢糧全免四十二年本年丁地錢糧拖欠在民者盡行蠲免五十一年蠲免河南通省丁地錢糧六十年夏麥災奉

旨賑濟蠲免丁地錢糧三分

雍正元年春奉

旨賑濟七年蠲免豫省本年額徵錢糧四十萬兩

修武縣志

卷首

皇德紀

十三

乾隆八年秋旱奉

旨被災十分者蠲免錢糧十分之七九分者蠲免十分之六八分者蠲免十分之五七分者蠲免十分之二六分五分者蠲免十分之一十二年蠲免河南通省丁地錢糧十五年秋禾歉收奉

旨丁地錢糧加恩通行蠲免十分之五十七年蠲免本年丁地錢糧三分二十二年秋禾被水緩徵丁地錢糧八百四十六兩零緩徵漕米八十五石零二十六年猝被水災奉

旨賑濟動用倉穀一萬三千五百三十石零蠲免丁地錢糧五千一百七十七兩零蠲免漕項銀四百四

十六兩零蠲免漕米八百四十六石零三十一年

蠲免錢糧應輸漕米照康熙年間之例於乾隆三十一年為始案年分省通行蠲免一次

三十五年

孝聖皇太后萬壽普免應徵錢糧四十一年

孝聖皇太后仙馭升遐推廣

慈仁普免應徵錢糧自戊戌年始普蠲天下錢糧分三年輪免河南錢糧輪於四十五年

免 豁 四十三年因豫省雨澤愆期奉

上諭先行蠲免錢糧又奉

上諭借給籽種五十三 四十四年被水成災錢糧蠲免

十分之一出借籽種五十三 撫卹乏食貧民一月

口糧四十五年被旱成災出借籽種五十三 撫卹

### 修武縣志

#### 卷首

皇德紀

十四

乏食貧民一月口糧四十九年被旱成災錢糧緩

至秋後徵收四十八年陳欠錢糧豁免出借籽種

五十三 新舊借欠穀石寬至來年麥後徵還五十

年被旱成災節年錢糧等項全行豁免出借籽種

五十五年 五十一年春月被旱錢糧緩至麥

後徵收五十五年

高宗純皇帝八旬萬壽普免應徵錢糧自辛亥年始普

各省所屬府州次第均勻搭配分作三次輪免通計三年一律蠲免仍先儘五十四年災緩各府州

免 首 五十六年秋禾歉收出借籽種五十九 五十七

年秋禾被旱成災錢糧蠲免十分之四出借籽種

五十九 撫卹一月口糧又加賑極貧兩箇月口糧

次貧一箇月口糧五十九年二麥被旱秋禾被水  
錢糧漕米先緩後豁免出借籽種嘉慶五年撫卹一  
月口糧加賑四月口糧展賑一月口糧

嘉慶元年恭遇

仁宗睿皇帝登極慶典錢糧奉

恩旨蠲免又因乾隆五十九年二麥被旱豁免漕倉項  
下乾隆五十九年民借麥抵穀一千一百八十九  
石三斗薊倉項下乾隆五十九年民借麥抵穀二  
千五百四十六石六斗八升四年兵差過境錢糧  
在五年錢糧內蠲免十分之五十年被旱成災錢  
糧蠲緩分數不一漕糧緩徵出借籽種十二月初

修武縣志

卷首

皇德紀

十五

一日起至十一年正月月底止煮粥二月撫卹一月  
口糧極貧加賑兩月次貧加賑一月十八年春月  
被旱錢糧緩至十九年麥後秋後啟徵是年麥秋  
均歉收煮粥兩月二十三年被水邨莊錢漕緩至  
二十四年麥後秋後徵收撫卹一月口糧二十四  
年

仁宗睿皇帝六旬萬壽節年錢糧全行蠲免又豁免常  
平倉項下九年民借穀五百九十七石五斗一升  
十年民借穀一百三十六石七斗三升十六年民  
借穀二百二十石九斗漕倉項下十年民借穀一  
千五十一石五斗五升

道光三年秋禾被水被雹蠲免災地錢糧緩徵漕糧撫卹貧民一月口糧貧生二百四十六名口糧銀一百二十三兩又加賑極貧民兩月口糧貧生二百一十名口糧銀一百零五兩六年七年兵差過境兩年錢糧在八年錢糧內各蠲免十分之四恩賚老民

康熙二十七年

詔賞年老軍民八十以上者每名絹一疋棉一觔肉十觔米一石九十以上者四倍給共八十四名四十年三年

恩賞年老軍民七十以上者每名準一丁侍養免其雜

修武縣志

卷首

皇德紀

十六

派差役共一百五十二名八十以上者每名給絹一疋棉一觔米一石肉十觔共九十五名九十以上者每名給絹二疋棉二觔肉二十觔米二石共七名四十八年

恩賞年老軍民七十以上者每名準一丁侍養免其雜派差役共七十九名八十以上者每名給絹一疋棉一觔肉十觔米一石共二十九名九十以上者每名給絹二疋米二石棉二觔肉二十觔共三名五十二年

恩賞年老軍民七十以上者每名準一丁侍養免其雜派差役共一百十名八十以上者每名給絹一疋

棉一觔米一石肉十觔共十四名

雍正元年

恩賞年老軍民七十以上者每名準一丁侍養免其雜  
派差役共二百二十八名八十以上者每名給絹  
一疋棉一觔米一石肉十觔共二十九名二年  
恩賞年老婦女七十以上者每名給布一疋米五斗共  
七十八名八十以上者每名給絹一疋米一石共  
七十名九十以上者每名給絹二疋米二石共七  
十名百歲者給銀建坊

乾隆二年

恩賞年老軍民七十以上者每名準一丁侍養免其雜

修武縣志

卷首

皇德紀

十七

派差役共二百十九名八十以上者每名給絹一  
疋棉一觔米一石肉十觔共七十二名十七年  
恩賞年老軍民八十以上每名給絹一疋米一石共七  
十一名九十以上每名給絹二疋米二石共三名  
年老婦女七十以上每口布一疋米五斗共一百  
十口八十以上每口絹一疋米一石共一百四口  
九十以上每口絹二疋米二石共十三口二十六  
年

恩賞年老軍民七十以上每石準一丁侍養免其雜派  
差役共四百四十名八十以上每名給絹一疋棉  
一觔米一石肉十觔共一百七名九十以上每名

給絹二疋棉二觔米二石肉二十觔計一名四十五年

恩賞年老軍民七十以上每名準一丁侍養免役共二百一十名八十以上每名給絹一疋棉一觔米一石肉十觔共一百七十八名九十以上每名倍給共一十二名均一丁侍養免役五十年

恩賞年老軍民七十以上每名準一丁侍養免役共一千一百一十名八十以上每名給絹一疋棉一觔米一石肉十觔共二百一十六名九十以上倍給共六名均一丁侍養免役五十五年

恩賞年老軍民七十以上每名絹一疋棉一觔米五斗  
修武縣志 卷首 皇德紀 十八  
肉五觔共一千三百二十七名八十以上每名絹一疋棉一觔米一石肉十觔共二百八十一名九十以上倍給共十一名均一丁侍養免役

嘉慶元年  
恩賞年老軍民七十以上每名準一丁侍養免役共一百九十一名八十以上每名給絹一疋棉一觔米一石肉十觔共九十四名九十以上倍給共二名均一丁侍養免役四年

恩賞年老軍民七十以上每名準一丁侍養免役共五百五十六名八十以上每名給絹一疋棉一觔米一石肉十觔共一百一十八名九十以上倍給共

七名均一丁侍養免役十四年

恩賞年老軍民七十以上每名準一丁侍養免役共一百三十二名八十以上每名給絹一疋棉一觔米一石肉十觔準一丁侍養免役共八十名二十四年

恩賞年老軍民七十以上每名準一丁侍養免役共五百六十四名八十以上每名給絹一疋棉一觔米一石肉十觔共一百二十七名九十以上倍給共八名均一丁侍養免役

嘉慶二十五年恭遇

今上登極慶典

修武縣志

卷首

皇德紀

十九

恩賞年老軍民七十以上每名準一丁侍養免役共二百五十三名八十以上每名給絹一疋棉一觔米一石肉十觔共一百一十五名九十以上倍給共七名均一丁侍養免役道光十六年

恩賞年老軍民七十以上每名準一丁侍養免役共二百六十三名八十以上每名給絹一疋棉一觔米一石肉十觔共七十一名九十以上倍給共三名均一丁侍養免役



修武縣志

卷首

圖經 縣境圖

二









修武縣志

卷首

圖經 里甲圖

五



二里西南路圖



東西二十五里  
南北二十二里









修武縣志

卷首

圖經 里甲圖

十

一里新店路圖







修武縣志

卷首

圖經 里甲圖





修武縣志

卷首

圖經 里甲圖



六里東北路圖

正東路界

縣界

修武縣志

卷首

圖經 里甲圖

縣境太行山全圖







百家巖圖



太行山圖

修武縣志


卷首

圖經 太行山圖

修武縣志

卷首

圖經 百家巖圖






泉源河道圖

修武縣志

卷首


圖經 泉源河道圖



城池圖

城山麓  
城山  
城山池  
城山泉


塘農先




修武縣志

卷首

圖經 城池圖







修武縣志

卷首

圖經 學宮圖





修武縣志

卷首

圖經 公署圖

修武城書院圖



